



# 2023-2024

## Ikasturteko

## Hezkuntza Ez-Formaleko

## Programa



**begoñazpi** ikastola



## Arte-programa




# Pintura

Pinturaren bidez, umearen emozio, hautemate, intuizio eta analogia ezaugarriak landuko doguz. Arteak, komunikatzeko era danez, norberaren emozioak, izaera, sentimenduak eta beharrianak adierazteko aukera emongo deusku. Irudimena eta sormena lagun, hainbat pintura teknika jorratuko doguz, hala nola, gouache pintura, pastel pintura, tenpera solidoa, errotuladore liluragarriak, akuarela likidoa, olio-pintura akuarela erako pastel-pintura, etab. Hainbat tresna erabiltzeko modua be izango dogu, pintzelak, brotxak, txantiloiak, esponjak, zigiluak eta barriz kargatzeko pintzelak. Gainera, gure artelanetan ez da gomets, purpurin, egurrezko pieza edo ponpoiak bezalako apaingarririk faltako.

## Metodologia

Ikaslearen jakin-min eta interesa oinarri hartuta, materialetan abe-ratsa izango dan espermentaziorako lekua eskaintzea da gure helburua, ikasleak aukera izan daian bizipenetatik ikasteko eta artearekiko sentzibilizazioa lantzeko. Saio bakoitzean, material eta tresnei jagokenez, zenbait proposamen egingo jako ikasleari. Honek, ikasle bakoitzari artelana modu librean garatzea eragingo deutso.

## Materiala

Ikastolak jarriko dau material guztia.



HAUR HEZKUNTZA

4 - 5 URTE  
PINTURA

LEHEN HEZKUNTZA

1. MAILA  
PINTURA



# Haur-balleta

Pertsona baten garapen fisiko, kognitibo, emozional eta soziala sustatzen dauzanez, dantza garapen integraleko jardueratzat hartuko da. Holan izanik, dantzaren berezko hainbat ezaugarri, prestakuntza integral horren inguruan landu daitezke, hain zuzen be, gorputz-adierazmenean, emozioetan eta sentimenduetan. Dantzak, haur orori bere gorputzaren bidez adierazteko modua izateko bidea emongo deitso.

Ikasturte honetan, Andoni Aresti Dantza Eskolaren eskutik ekingo deitso haur-ballet jarduerari. Lehen ikasturte honetarako proposatzen dan jarduera haur-balleta eta sormenezko dantza da. Bai haur-balletaren bidez, bai sormenezko dantza, erritmo, jolas eta fantasiaren bidez, haurrak dantza mundura erakarriko dira.

## Helburuak

Haur-balletaren helburua, adierazpena, komunikazioa eta autoezagutza sustatuz, mugimendua motor gisa hartuz, gorputza modu askean erabiltzea izango da. Dantza mota honek, keinuaren eta mugimenduaren plastikotasuna, antolatze gaitasuna ikusmen, eszenografiko, musika eta gorputz-adierazpen arteetatik, sormen-baliabideen aniztasunaren bidez, espazioa eta inprobisazioa landuko dauz.

Norberaren gorputzarekiko sentsibilitatea bilatuko dau, baita espazioan, musikarekiko eta artearekiko talde-alkarreragina be, haurraren sentsibilitate artistikoaren kontzeptu zabalagoa garatuz


Gainera, oso aukera interesgarria da irudimena pizteko eta umei ongizate fisiko zein mentala emateko.

## Materiala

- Maillot-a, leggins edo dantzarako galtzak, ballet oinetakoak eta mototsa.
- Ikasturte hasieran emongo deitsoeguz argibide gehiago.

## Oharrak

Zaintza zerbitzua eskainiko da. Hilean 3 € ordaindu beharko da.



HAUR HEZKUNTZA

4 URTE

HAUR-BALLETA  
SORMENEZKO DANTZA

LEHEN HEZKUNTZA

1. MAILA

HAUR-BALLETA  
SORMENEZKO DANTZA



# Euskal Dantzak

## Helburuak

Ikastolako Misioak adierazten dauanez, ezinbestekoa da Euskal Kulturaren hedapena eta zer esanik ez, honen adierazgarri diran Euskal Dantzak. Jarduera honen bidez, ikasleek gure kulturaren eta identitatearen sakontzen dabenean, gorputz adierazpena eta erritmoa landuko dabe.

Musikaz eta mugimenduz garatu eta aztertuko dira emozioen adierazpena eta ikaslearen sentimenduak.

Dantzen bidez, gure identitatea garatuko dogu. Beti be, gure kultura hedatu, ezagutarazi eta aberasteko konpromisoa hartuz.

## Informazio erabilgarria

Dantza-eskoletarako erropa eta zapata erosoak jantzi beharko dira.

Izen-emote kopurua kontuan izanik, ordutegian aldaketak egon daitezke. Ahal dan neurrian, kontuan hartuko da ikasle bakoitzaren egoera.

## Alardeei buruzko informazioa

- Ekitaldietara joateko izen-emotea internet bidez egingo da. Zirkularrak plataforman jarriko dira ikusgai.
- Dantza-ekitaldietara dantza-jantziak jantzita joan beharko da, salbuespenak salbuespen.
- Dantzariak, aldeztatik baietza emon eta alardeetara joaterik ez badau, twitter edo emailez jakinarazi beharko dau. Alardeetara baietza emon barik joanez gero, ez da dantzatzea bermatuko.
- Ekitaldia izago dan lekuan geratuko gara zuzenean, Ikastolara joan barik.

## Jantziei buruzko informazioa

### NESKAK

LEHEN HEZKUNTZA: 1., 2., 3. eta 4.maila  
Begoñazpi Ikastolako jantzia, azpiko gona, ardi-lanazko mediak, eta narruzko abarkak.

Jantzia urrian erosi ahalko da, prezioa gitxi gorabehera 75€ izango da.

LEHEN HEZKUNTZA: 5., 6.maila

Larruzko abarkak, artilezko galtzerdiak eta azpiko gona. Jantziak Ikastolak itziko deusez.

Alardeetan erabili eta gero, buruko zapia eta alkandora garbi bueltatu beharko dabe Ikastolara.

### MUTILAK

#### DANAK

Praka eta alkandora zuria, txapel gorria eta zinta gorridun abarketa zuriak.



## LEHEN HEZKUNTZA

1. - 2. - 3. - 4. - 5. - 6. maila  
EUSKAL DANTZAK



# Antzerkia ingelesez

## Helburua

Lehen Hezkuntzako hasierako urteetan antzerkia oso aberesgarria izan daiteke, batez be, ahozko adierazmena lantzeko, jende aurrean berba egiteko, beldurrei aurre egiteko, kontzentrazioa izateko eta testuak buruz ikasteko.

Esketx eta obra laburren bidez, ikasleek aurretik esandakoak jorratuko dabez.

## Informazio erabilgarria

- Taldeak, gehien jota, hamabost ikaslekoak izango dira.
- Ikasturte amaieran Lehen Hezkuntzako aretoan, urte guztian landutakoaren antzezlana egin eta ikusiko dogu. Horretarako, ikasleek behar dabezan apaingarriak eta erropa ekarri beharko dabe.



LEHEN HEZKUNTZA

3. - 4. - 5. - 6. maila  
ANTZERKIA INGELESEZ

# Bertsolaritza

## Helburuak

Jarduera honek ikasleen bat-bateko ahozko adierazmen eta hiztegi konpetentzia indartzeko xedea dau.

Horrez gain, aisialdian bertsozaletasuna sustatzea ezezik, bertso-laritza aisialdirako eta ondo pasatzeko topagune izatea be badau helburu.

## Informazio erabilgarria

- Eskaintza Lehen Hezkuntza 5. eta 6. mailetako ikasleei zuzenduko jake.
- Jarduera honek astean ordu bateko saioa izango dau.
- Ikasturte guztian hainbat jarduera burutuko dira.



LEHEN HEZKUNTZA

5. - 6. maila  
BERTSOLARITZA